

Éisdidh re Conall calma

[Text below from Rawlinson B.514, Oxford, Bodleian Library, folio 63r; published in W. M. Hennessy and D. H. Kelly, *The Book of Fenagh* (1875) 398 ff.]

Slicht an tseinliubair ceadna an duan-sa

- 1 Eistigh re Conall calma
7 re hEoghan amra
mar do rinneatar an dail
a mullach droma Cruacháin.
- 2 A-dubairt Eogan gan fhaill
“dena roind duinn a Conaill
Cairbri sluagbuidneac na crech
Enna irghalach.”
- 3 “Mad mesi roindes na fir
a-derim rit a Eogain
nac fuighe caem nó cara
roga uaim tar éis randa.”
- 4 “Do-ber forbannuid-se sin”
Eogan at-bert re brathair
“agat ar loss cloidim cuirr
ó Ess Ruaidh go Ross nirghaill.”
- 5 “Dá cuinge tú orm-sa sin
scailfead ar coinne a Eogain
biaid agam-sa fen rem gus
na sé triucha do cosnus.”
- 6 A-dubairt Eogan co ceil
fer Reidigte cloinde Neill
“an te le tancamar ar feacht
tabraim-ne dó sensireacht.”
- 7 “Do-gen-sa fen roinn daib-si
's do Cairpri Benne Baiscne
do rogha duid-[s]e don roinn
no annaidhe Enna alainn.”
- 8 “Leic damh Enna ara óige
a fail mo laimhe 's mo dóide
ní bia sunn a n-airc rea lá
dá raib mo spraic-si uasa.”
- 9 “Oir is let Cairpri de sin
oir is leat Enna amlaid
cein merus damh re nert nga
saithfead ar clannaib Colla.”
- 10 Nir [leg. Jar?] sin scailid clanna Neill
a coinne Cruachain co leir
go menmnach fa mer a muirn
gac fer dib docum a feruinn.
- 11 A-dubairt Enna an fer fíal
re Con[all] re ndula siar
“re hucht clann Colla na cath [leg. crech?]

- sunna as ail lium imfhuirech.”
- 12 “Ac a Enna ná cagair
an dail derthi na habuir
erc-se co Doiri na ndamh
feithfed-sa soir go Cruachain.”
- 13 Gabuidh Enna a nDoiri dil
dun Calgaid inn áithEmain
gabaid Conall cona druing
siar go hEss Ruaidh meic Badhairn.
- 14 Deisidh Eogan a nOilech
an leoman gan imfhuirech
7 gabaid Cairpri an áigh
siar go Glenn ndirech n[D]allain.
- 15 Ar fhaicse Ennai da tighib
clann Eogain gan athaighidh
ger mac athar dó ger fell
on lo rainic do Chonall.
- 16 Cuiris Enna techta siar
go Conull nGulpan nglanfhíal
dá indissin tiar ’na tigh
Eogan air a can aighidh.
- 17 “Is olc an t-adbar tnutha”
ar Enna a cind a triucha
“beith sa port ’na doigh faghail
a longaib do Danaruib.”
- 18 “Indiss do mac mo mháthar
mesi ni lacc mo láthar
fáidhedh mar do gell a-mach
no fuirgedh toir anOilech.”
- 19 Doiri longport Baedain binn
úa Ainmirech meic Con[aill]
reimhe re bliadain gan fheill
ar ngabail rige nErend.
- 20 Ba longport é d’Aed na ndinn
Doiri calgach na ngeibinn
gor tuit re Colum na cell
ar crabud ’s ar crossfighell.
- 21 Tri rig a Conull na cath
tainic re Colum craibthec
ass ann (?) tucsat a ngeill
go Doiri n-uass- (?) n-aicmheil.
- 22 Mé ar comairce an mórmóirCoimded
la brisfidher na sleibte
a llo bratha na trethan
budh lethán lucht a este. E.
- 23 Cominmain lium ar sin de
Conull Eogan as Cairpri
7 Enna fial ’ma le
ger e deridh a n-este. Eistid. re Conull